

難歟、如此事、被問太政大臣、被用被定申趣、可宣歟、廿九日庚戌、頭光賴朝臣來曰、內親王改壽子爲
姝子○鳥羽皇女者、示可書下之由、即書檀紙授之、

〔兵範記〕仁安三年八月廿七日丙辰、○中略

太政官符中務省

惇子內親王

右內親王所定如件、省宜承知依件行之、符到奉行、

正四位下行權右中辨平朝臣

左大史正六位上兼皇太后宮少屬中原朝臣

仁安三年八月廿七日

〔百練抄四十四條〕貞永元年十一月廿四日庚午、當今○四條同胞妹親王宣旨也、御名字暉子、○一代要記式

部大輔爲長卿擇申、

〔平戶記〕延應二年○仁治元年四月廿一日、今夜兩姬宮被下親王宣旨、大府卿勘申兩御名字、注載一紙、以

消息付頭辨云々、白河姬宮後高倉院姬宮也、御名能子持明院姬宮今上姊也、御名○百練抄

之由被定仰、不被問入々、只今申合入道殿給云云、

〔百練抄四十四條〕仁治元年四月廿一日乙卯、親王宣旨、暉子、內親王、後高倉院御女能子、內親王、後高倉院御子

〔後深心院關白記〕貞治三年正月五日、裏書傳聞叙位以前有立親王宣下、上卿藤中納言、今上○後光女

一宮、御名治子、今夜即令預別給給云々、

〔實麗卿記〕文久元年四月十九日丁丑、內親王○仁孝皇女親子宣下也、○中略先內大臣齊入敷政門著陣、○中略

職事長順朝臣來下御名字、內府被結申、長順朝臣仰仰詞退入、○中略次內府仰官人召辨、權右中辨博

房著軾、內府賜御名字、博房結申、內府被仰仰詞、博房退仰史、次長順朝臣著軾、仰以權大納言藤原朝

臣、可爲勅別當之由退入、